



Sudija Ahmed Refat je rekao da će se suđenje Mubaraku, koje počinje u srijedu, odvijati u zgradi policijske akademije u Kairu i maksimalno će moći da prisustvuje 600 ljudi. Refat je u saopćenju istakao da će suđenje biti "svakodnevno sve do okončanja", a prenosit će ga televizija da bi se ljudi "uvjerali u kredibilitet procesa". Mubaraku se za korupciju i ubistvo demonstranata sudi zajedno s dvojicom njegovih sinova Alaom i Gamalom, bivšim ministrom unutrašnjih poslova i šesticom njegovih zamjenika. Proteklih dana špekuliralo se da se Mubarak neće pojaviti u sudnici jer je prestao da uzima hranu i tekućinu. Mubarak se nalazi u bolnici u Sharm el-Sheikhu od aprila, kada je pretrpio srčani udar tokom ispitivanja. Svrgnut je s vlasti u februaru, poslije 18 dana masovnih protesta. (ag, f)